

507 Ich enwände niht, daz ez kœme alsus.

Lischoys Gwelljus

hât mich sêre geletzet

unt hinderz ors gesetzet

5 mit einer tjoste rîche;

diu ergienc sô hurteclîche

durch mînen schilt unt durch den lîp.

dô half mir ditze guote wîp

ûf ir pfert an dise stat.«

diz getriuwe wîp \*T

pferde \*T (ohne O) (I L)

10 Gawanen er sêre belîben bat.

Gawan sprach, er wolde sehen,

w. besehen, \*T

wâ im der schade dâ wære geschehen.

dâ om. \*G (ohne G) U V

»lît Logroys sô nâhen,

mac ich in dâr vor ergâhen,

15 sô muoz er antwûren mir.

ich vrâge in, waz er ræche an dir.«

vrâget \*T (nur T) (G)

»des entuo niht«, sprach der wunde man,

»der wârheit ich dir jehen kan;

dar engêt niht kinde reise,

20 ez mac wol heizen vreise.«

Gawan die wunden verbant

mit der vrouwen houbtgewant.

er sprach zer wunden wunden segên;

er bat got man unt wîbes pflegen.

25 er vant al bluotec ir slâ,

al om. \*T (nur T)

als ein hirze wære erschozzen dâ.

daz enliez niht irre in rîten;

er sach in kurzen zîten

Logroys, die gehêrten.

30 vil lîute mit lobe si êrten.

---

\*D: D \*m: m \*G: G I L Z Fr22 (507.25–30) Fr57 (507.1) \*T: T U V O

---

1 Initiale D G I L Z T U O 5 Majuskel T 13 Majuskel T 14 Majuskel T 15 Majuskel T 17 Initiale I 21 Initiale m U V 22 Majuskel T 28 Majuskel T 29 Überschrift: Hie kvmet Gawan  
zŷ logroys der herzdginne orgolusen burg vnde ôch zŷ ir V

---

8 ditze] daz \*m L 9 ûf ir pferde an ir ([\*]: dise V) stat.« \*m (V) 12 dâ] om. \*m 17 des] daz \*m 19 dar engât niht kinde (kunde m) reise. \*m 20 ez] er \*m 23 er sprach zuor (für m) wunden  
segên (sehen m) \*m 24 er] und \*m 27 in] om. \*m 30 lîute] lyte D